

編號 1 號

【幸福的滋味】 林秀子

阿母是一个專職的家庭主婦，逐工攞著洗衫、捋掃、攢三頓。除了厝內省省滴滴的工課，伊猶會跔厝邊的空地仔，種一寡仔家已欲食的菜，厝飼幾隻過年愛拜的雞。有閒的時間會加減做一肩仔家庭代工，鬥相添厝裡的開銷。

我讀冊的時，學校猶無營養午餐。國小若是讀規工，毋管是落雨天抑是出大日，攞愛行路轉去厝裡食晝。國中和高中因為離厝較遠，我恰三个小弟六年貼貼貼攞緊便當。天未光、雞未啼，阿母就起床矣。炒菜的聲、飯菜的芳味就是阮上好的亂鐘仔。除了青菜以外，菜脯卵、煎白帶魚、滷肉，三不五時閣有肉卷、排骨，阿母親像變魔術全欸，會用上少的所費，全欸的食材變出真濟無全欸的料理，做出上好食的便當菜。

舊年逐家轉去蘇澳慶祝阿爸生日，開講的時聽三个小弟講，才知影較早個緊的便當透底毋捌炊。大漢的恰第二小弟講個第三節下課就共便當掉了矣，無夠的部份就去合作社買總來壩。第三小弟上心適，第一節就恰幾若个同學共便當解決掉矣。食晝的時早起有食伊便當的同學，就會分寡飯菜佇伊的便當筐仔內底。哈人的便當較有料、較好食，哈人的阿母較勞煮

食伊攞如影。伊閣講有一擺閑同窗會，逐家講著這件代誌，有同學共伊講：「逐家的便當攞是前一工暗頓就攢好矣，一定愛冰，第二工欲食若無炊絕對袂好勢，干焦你的便當是燒的。逐家攞當咧大，緊朽，有恁阿母燒燒的便當通好食，你一喙我一喙，毋但溫暖逐家的胃，嘛聯絡逐家的感情，實在予人足懷念的。」哎！干焦我人在福中不知福，因為逐工攞緊便當，所以心內誠欣羨會使緊錢去外口食麵的同學。一直到出外食頭路，三頓攞愛食外口，才知影阿母便當的好滋味。

這馬阮姊弟仔攞大漢嘛做人的爸母矣，閣較會曉體會阿母的用心恰付出。逐擺若聽著囡仔咧講學校的飯傷粒、菜歹食，食袂落的時，心內就感覺真歹勢，因為無法度予個感受著像較早阿母予阮的彼種幸福的滋味。

編號 2 號

【恰阿媽去洗衫】 曾菁怡

會記得細漢的時，恰阿公阿媽蹣庄跤。彼段日子無啥困仔伴，然是我人生上難忘的記持。恰阿媽去溪邊洗衫，是我每日歡喜的開始。

逐日透早，阿媽手面若洗好，就愛共昨昏厝內大大細細換落來的衫仔褲，囿佇兩個竹籃仔內，用扁擔擔去溪仔邊洗。這款有水逼要的詢頭，我哪會使綴無著？所以逐暗欲暍進前，我攏愛共阿媽交代一遍：「明仔早起愛叫我起床喔！」阿媽笑 bi-di 共我的頭掌掌咧，親像有答應這個約束。

對阿媽蹣的低厝仔到溪邊，愛行一段田岸仔路。天貓霧仔光，草仔枝面頂的露水予日頭照甲金 sih-sih，像真珠全款遐爾嬌，用指頭仔承一滴來啖看見，閣甘甜仔甘甜。田岸路細細條仔，阿媽行頭前，我綴後壁。伊愛戴瓜笠仔，穿真花的衫仔褲，有咯仔曲病，嘛定定穿黃色的靴管，行路的時，尻川閣會扭咧扭咧。吊佇扁擔雙只幌來幌去的竹籃仔，袂輪配合阿媽咧跳舞，實在真趣味！

阿媽洗衫的彼條溪，溪水清清清，看會著魚仔佇水底洄，嘛有真濟石頭，田嬰無就颺颺飛，無就停佇石頭仔頂歇睏。阿媽共較長條闊扁身的石頭，提來做洗衫枋；恰尻川差不多大細的石頭，就提來做椅仔，感覺闊真

四序。大人無閒洗衫，囿仔就愛家已做議量。我的家私早就攞便便，有銅管仔、魚網仔恰清飯，阿媽逐擺擺笑我詢頭真濟。我共清飯先扳仔水邊，邊鞭就看著一牌魚仔截洄過來欲搶食，我就恬恬仔提魚網仔倚過去，等遐的魚仔截洄仔魚網仔面頂時，就緊共個撈起來，囿仔我的銅管仔內。有當時要甲無趣味，就會徙去較邊仔有草的所在，共草仔咯仔掀起來，揣看有蝦仔覘仔遐無？蝦仔是倒退擺的，用清飯共蝦仔噍出來了後，魚網仔就愛恬恬仔徙去伊後壁，才掠會著。就按呢變東變西，時間一目瞞仔就過去囉！掠著的魚仔、蝦仔，我攏毋捌索轉去，因為阿媽講愛共個放轉去，明仔截個才閣會陪我要，想想咧嘛真有道理！

編號 3 號

【炕窯】 林義和

今年歇寒的時陣，阿爸個公司的同事，相招拜六欲去大肚山的望高寮坦退。約定九點集合，阮七早八早就起床。阿母去菜市仔攢阮兜分配愛絮的物件。一家伙仔五個人，八點半就到約定的所在。

逐家擺真準時，猶未九點就擺齊到矣。遮是阿爸同事的田地，規片平坦坦擺是番薯園。這個所在離成功嶺差不多一公里，佇大肚山的嶺頂台地向東，會當看著繁華的臺中市；向西會當看著臺灣海峽；向南會當看著八卦山¹大佛。看會著的所在擺真闊，真怪會號做「望高寮」。大肚山的塗是紅仁塗，上蓋出名的土產，就是番薯恰塗豆。

聽阿爸的同事講，個遮的田，擺是用輪作的。一季種番薯，一季種塗豆，另外一季種番麥。這季輪著種番薯，今仔日阮來遮，主要就是欲炕窯。遮的番薯，全部擺是五十七號仔，白皮黃肉，瘦抽瘦抽，袂講蓋大條。

逐家到位了後，大約有十口灶，五十個人彼跛兜。大人比囡仔加兩三個。田主分配工課予大人做：有人起塗窯、有人拈柴、有人掘番薯。囡仔自由跔邊仔做助手，若無，嘛會當去空地仔耍。遮有幾座報廢的碉堡，恰

幾擔路邊擔仔咧烘煙腸、拍珠仔台、賣風吹……。

三窯塗窯起好勢了後，開始燃火，共窯內的火保持予上爇。無偌久，所有的塗就擺燒甲紅絳絳。繼落去，共拄掘起來的番薯，圓落去塗窯內底，才用「塗鏞」共塗窯損予碎，共番薯嵌甲密密密。閑挖邊仔的冷塗坎路面頂，予燒氣較袂傷緊散。擺處理好勢了後，逐家就去空地仔耍。過成點鐘，大人開始攢中晝頓，猶未十二點就食甲半飽。繼落去就是今仔日的好戲——食炕好的番薯。

看大人掛手彙仔，咧挖猶閑燒 hut-hut 的塗窯。芳 kòng-kòng 的番薯味，衝入逐家的鼻空內，予阮看甲喙潤強欲津落來。袂堪得等到冷，阮就一人提一條，開始鑑定今仔日的成績，真正芳閑餒。食兩條了後，腹肚嘛感覺真飽矣。有這擺難忘的經驗，我共阿爸始情講：「以後逐年上少愛煮規家伙仔去炕窯一擺。」

¹八卦山(Pat-kūa-siann)

編號 4 號

【春天的氣味】 陳素年

若準四季是一條歌，按呢春天就是上優美、上好聽的樂章；若準四季是一幅圖，按呢春天就是上鮮沢、上大範的色水；啊若講四季是一蕊花，我想春天應該就是上嬌的彼一瓣。恬靜的三月天，空氣內底有一款溫柔歡喜的氣味。

一年四季，我上俗意的就是春天。立春若到，伊就像慈祥的母親，輕聲細說來叫醒猶咧睡眠的萬物，伊的溫馴實在誠值得咱呵咾。佇這個浪漫的季節，咱的鼻空鼻會著一陣一陣的清芳；目睭看會著五彩迷人的景緻；耳空聽會著烏隻活潑的歌聲。春到人間氣象新，佇這款燒烙的氣候，予咱忍袂牢，想欲行向大自然，欣賞尾蝶仔翩翩起舞的姿態，看草埔仔頂的野花、野草颯颯風咧搖。哇！春天的氣味就是幸福的開始。

種田無定例，全愛配合節氣，春雨是玉皇大帝派來人間的使者。古早人講「未驚蟄，冊九日」，嘛閣講「二月初二霆雷，稻尾較重秤鍾」，所以自立春開始，每一個作田人攏會向望佇「驚蟄」這工來霆雷。因為「一滴春水一滴油，一厘春雨一厘金」，春雷若霆，雨水若落，田園就會恢復伊的性命力。澆溼的土地，予農作物發穎，葉仔青翠。一時間，田園就成做

一塊一塊青色的地毯，「兩生百穀」這款迷人的景緻，實在予人歡喜好心情。啊！春天的氣味是快樂的向望。

春回大地百花開，萬紫千紅總是春。春天的花蕊規山坪，這是春天賜予人間的禮物。滿山遍野的櫻花佻杜鵑當燦爛，個佇各山頭展現迷人的風采。逐家相招來賞花，毋管是親情、愛情抑是友情，攏會歡歡喜喜浸佇這個五彩的花海裡。喔！春天的氣味是甜蜜的感受。

春天是一個和諧的世界，伊的氣味是溫柔清芳、多彩多姿。微微微仔風、霎霎仔雨，燒烙的日頭花，攏會帶予咱全新的希望佻寄託。朋友啊！春天若到，咱就趕緊行向大自然來走揣伊的形影，這款幸福、快樂佻甜蜜的滋味，絕對值得咱留戀。